

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 29.07.2020թ. թիվ 2011399867 որոշումն անփոփոխ, իսկ վարչական բողոքն առանց բավարարման թողնելու մասին

<<07>> 09 2020թ. 7-13 10759

ք.Երևան

Ճանապարհային ոստիկանության պետի պաշտոնակատար, ոստիկանության գնդապետ Ն.Սարգսյանս, վերանայելով Մուշեղ Մնացականյանի ՄԴ/115542-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Արագածոտնի մարզի Ապարան քաղաքի Չարենցի փողոցի 26 տան բնակիչ Մուշեղ Մնացականյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին 29.07.2020թ. թիվ 2011399867 որոշմանը՝ նշելով, որ տվյալ փողոցում կատարվում էին շինարարական աշխատանքներ, աշխատում էր վերամբարձ կռունկ, ինչից հետո չի կարողացել շարունակել ճանապարհը՝ հետադարձ է կատարել և շարժվել հոսքին հակառակ:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտը վերանայելու հիմք հանդիսանալ հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Իրավախախտումն ամրագրած տեսանյութը փաստում է, որ դիմումատուն <<OPEL>> մակնիշի 35 XF 996 հաշվառման համարանիշի տրանսպորտային միջոցը 12.07.2020թ. ժամը 12:09-ին Երևան քաղաքի Դեղատան փողոցում վարում է միակողմանի ճանապարհով հոսքին հակառակ ուղղությամբ:

Ինչ վերաբերվում է դիմումատուի պնդմանը, որ տվյալ փողոցում կատարվում էին շինարարական աշխատանքներ, աշխատում էր վերամբարձ կռունկ, ինչից հետո չի կարողացել շարունակել ճանապարհը՝ հետադարձ է կատարել և շարժվել հոսքին հակառակ, ապա <<Վարչարարության հիմունքների և վարչական վարույթի մասին>> օրենքի 43-րդ հոդվածի 3-րդ մասի համաձայն՝ եթե նույն հոդվածի 1-ին մասի «բ» կետով նախատեսված դեպքում վարչական մարմնի կողմից քննարկվող փաստական հանգամանքների վերաբերյալ տվյալներին (տեղեկություններին) վարչական մարմինը կարող է իրազեկ դառնալ բացառապես տվյալ անձի միջոցով, ապա ապացուցման պարտականությունը դրվում է այդ անձի վրա, իսկ դիմումին կից չի ներկայացվել որևէ փաստ, որը կապացուցեր տրանսպորտային միջոցի կանգառը հարկադրված լինելու հանգամանքը:

Այսպիսով ակնհայտ է, որ դիմումատուն կատարել է վարչական իրավախախտում, որը նախատեսված է Վարչական իրավախախտումների վերաբերյալ ՀՀ օրենսգրքի 124-րդ հոդվածի 14-րդ մասով, հետևաբար իրավախախտման փաստով կայացված վարչական տույժ նշանակելու մասին 29.07.2020թ. թիվ 2011399867 որոշումը իրավաչափ է և այն բեկանելու որևէ հիմք առկա չէ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 29.07.2020թ. թիվ 2011399867 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Մուշեղ Մնացականյանին:



Ն. Մարգարյան